

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Gebri Arabis Chimia

Geber

Lugduni Batavorum, 1668

De natura Martis. Cap. VIII

[urn:nbn:de:bsz:31-95581](#)

De natura Martis.

C A P . V I I I .

SI vero fuerit sulphur fixum terreum argento vivo fixo, terreo in natura commixtum, & haec ambo non puræ, sed lividae albedinis fuerint: cuius superatiæ quantitas sit sulphuris magna, generatur ex his ferrum. Et quia superatio sulphuris fixi in commixtione fusionem prohibet, ideoque ex hoc relinquitur, sulphur velocius liquefactio- nis festinantiam per opus fixionis perdere, quam argentum vivum. Non fixum vero videmus citius quam argentum vivum liquefcere. Ex his vero manifestatur causa velocitatis fusionis & tarditatis in corporum unoquoque. Nam quod plus de fixo habet sulphure, tardius: quod vero plus de adurente, facilius & citius fusionem suscipit. Quod satis aperte à nobis fuit monstratum. Quod vero ipsum sulphur fixum tardiorem faciat fusionem in corporibus, manifestatur per hoc, quod ipsum nunquam, nisi calcinetur, potest figi; & cum fuerit calcinatum, nullam dat fusionem. Ergo in omnibus (inclusum) illam impedi- re debet. Quod vero nisi calcinetur, non figatur, patet experimen- to illius qui illud figit, non calcinatum: quoniam ipsum invenit semper fugere, donec in ter-

ram.

rain vertatur : cuius similitudo est calcis naturæ. Hoc autem minime in argento vivo contingit : quoniam figi potest absque hoc quod in terram vertatur, & figi similiter cum conversione illius in terram potest. Nam per festinationem ad ejus fixiones, quæ per præcipitationem sublimationis perficitur, figitur, & in terram mutatur : Per successivam vero illius iterata vice sublimationem per ignem temperatum, figitur similiter, & non in terram vertitur, imo fusionem dat metallicam & bonam. Hoc autem manifestum est, & ab illis probatuim, qui utrasque fixiones illius experti sunt, usque in illius consummationem, per festinam præcipitationem, & tardam per successivas sublimationes. Vedit enim & invenit sicut a nobis scriptum suscepit. Et illud ideo quoniam viscosam habet & densam substantiam ; cuius signum est contritio illius cum imbibitione & mixtione cum rebus aliis. Sentitur enim in illo manifeste viscositas illius per multam adhærentiam ipsius. Densam autem substantiam illud habere manifeste videt monoculus, per illius aspectum, & per ponderationem immensi sui ponderis: Auro enim præpondérat cum in natura sua est. Et est similiter fortissimæ compositionis, ut narratum est. Ex his igitur relinquitur ipsum posse figi sine illius humiditatis consumptione,

ptione, & absque hoc quod in terram converatur. Propter enim bonam partium adhaerentiam & fortitudinem suæ compositionis, si quo modo partes illius semel inspissentur per ignem, ulterius non permittit se corrumpi ; neque per ingressiōnem furiosæ flaminæ in illud, se in fumum ulterius elevari permittit : Quoniam rarefactionē sui non patitur, propter substantiæ densitatem, & carentiam adustionis ; quæ per sulphureitatem combustibilem, quam non habet, perficitur. Per hoc igitur invenimus inventione veridica duorum secretorum genus mirabile : Unum scilicet triplicem causam corruptionis uniuscujusque metallorum per ignem : quarum prima est inclusio adurentis sulphureitatis in profundo illorum substantiæ per inflammationē illius totam substantiam corporum diminuentis, & exterminantis in fumum, ultima consumptiōne, quantumcumque in illis argentum vivum bonæ fusionis extiterit. Secunda vero causa est multiplicatio flaminæ exterioris super illa & illa penetrantis, & secum in fumum resolventis, cujuscunque fixionis illa fuerint. Tertia vero causa est rarefactio ipsorum corporum per calcinationem. Tunc enim flamma ignis in ea penetrare potest, & ipsa in fumum exterminare quantumcumque perfecta extiterint. Si igitur omnes corruptionis

ptionis causæ cpnveniant, maxime corpora corrupti necesse est. Si vero non omnes, remittitur corruptionis velocitas uniuscunusque corporis, secundum remissionem illarum. Secundum genus hujus secreti est bonitas quæ per ipsum argentum vivum consideratur in corporibus. Quia argenteum vivum propter nullas causas corruptionis & exterminationis se in partes compositionis sui dividi permittit : quia aut cum tota sui substantia ex igne recedit, aut cum tota in igne permanet stans. Ideoque notatur in eo necessario perfectio-
nis causa. Laudetur igitur sublimis natu-
rarum Deus benedictus & gloriosus altissi-
mus qui creavit illud, deditque illi substan-
tiæ incremabilem & substantiæ proprie-
tates, tutandi ab adiustione metalla, quas
non contingit ex rebus ullam in natura
possidere, ut in illa possit inveniri hæc per-
fectio, per artificium aliquod, quod in illo
invenimus potentia propinqua. Ipsum e-
stum est quod ignem superat, & ab igne
non superatur ; sed in illo amicabiliter re-
quiescit, eo gaudens.

De natura Veneris sive Æris.!

C A P. I X.

REDEUNTES igitur ad propositum, dici-
mus quod si fuerit sulphur impurum,
grossum,